

Բ Ո Վ Ա Ն Դ Ա Կ Ո Ի Թ Ի Ի Ն

• • • • •

1. — Հրաւեր եւ օրակարգ Տարեկան Ծխական ժողովի :
2. — Ձեկոյց Հոգեւոր Հովիւի :
3. — Բարոյական Տեղեկ. Ծխական Խորհուրդի :
4. — Ընդհ. Տեղեկատուութիւն Տիկ. Օժանդակ Յանձնախումբի :
5. — Ձեկոյց Եկեղեցաշինութեան Յանձնախումբի :
6. — Տեղեկատուութիւն Մամիկոնեան Մշակութայինի :
7. — Ընդհ. Տեղեկատուութիւն Հայ Դպրոցի Խնամակալութեան :
8. — Բարոյական Տեղեկ. Եկեղեցապէր Տիկ. Միութեան :
9. — Բարոյական Տեղեկ. Բուրաստանի Կազմակերպութեան :
10. — Տեղեկատուութիւն Կոմիտաս Դպրաց Դասի :
11. — Տարեկան Տեղեկ. ՀԵԵԿԱ, Մոնթրէալի Մասնաճիւղի :
12. — Նիւթական Հաշուէտուութիւն Ծխական Խորհուրդի :
13. — Նիւթական տեղեկագիր Եկեղեցաշինութեան Մարմնի :
14. — Հաշուէտուութիւնք զանազան Մարմիններու :
15. — Նախահաշիւ Ծխական Խորհուրդի 1971 Տարեշրջանի Գործունէ-
ութեանց : — Պիւտճէ — :

•••••

•••••

•••••

Տարեկան զեկոյց Հոգեւոր Հովիւի.-

Յարգարժան Մխականներ,

1970 տարուան ընթացքին մեր Սուրբ Եկեղեցւոյ մէջ անխափան ու պաշտօնի գիտակցութեամբ, աշխատեցայ կատարել կրօնական բոլոր պարտականութիւններս, անթերի կերպով ու որոշեալ ժամերուն:

Կատարեցի, յաճախ մեր ժրջան Սրբազան Հօր նախագահութեամբ, Մկրտութեան, Նշանօրհնութեան, Պսակադրութեան եւ Թաղման բոլոր Խորհուրդներն ու Արարողութիւնները, որոնք կուտան հետեւեալ թիւը.- մօտ Ութսուն եւ հինգ, որը բաղդատած անցեալ տարուան թիւին շատ աւելի բարձր է, որովհետեւ այժմ ունինք շատ աւելի լաւ ու նպաստաւոր պայմաններ ու յատկապէս մեր Սեպհական Եկեղեցին:

Յաճախ քարոզեցի Եկեղեցւոյ մէջ, ու զանազան Ձեռնարկներու ժամանակ հրապարակաւ խօսք առի այլազան նիւթերու շուրջ:

Մեր բարեջան Սրբազան Հօր բացակայութեանց, ջանացի նախագահել Մխական Խորհուրդի գրեթէ բոլոր նիստերուն, ինչպէս նաեւ մեր միւս Կազմակերպութեանց ժողովներուն:

Ժամանակ մը համեստ բաժինս բերի մեր Բուրաստան թերթին:

Գրասենեակային ժամերս յայտնի էին եւ գրասենեակէն ներս, Տէր վաչէ Սրբազանի շինիչ թելադրութիւններէն յաճախ առաջնորդուած, ջանացի լաւագոյնս կատարել ամենօրեայ քարտոշղարութեան աշխատանքները, նկատելով որ չունէինք մնայուն քարտուղար մը, որուն այնքան անհրաժեշտութիւնը կը զգացուի այժմ:

Այցելութիւններ տուի հիւանդներու, ու զանազան առիթներով, այցելեցի նաեւ բնակարանները այն Մխականներու, որոնք փափաք յայտնած էին ընդունիլ զիս:

Բարոյական եւ նիւթական կարելի աշակցութիւնս չի խնայեցի այն Ազգայիններուն ու յատկապէս այն նորեկ մեր զաւակներուն, որոնք Գանատա մնալու, ուսում շարունակելու, հանգստեան թոշակ ստանալու եւ կամ գործ գտնելու համար զանազան դժուարութեանց կը հանդիպէին: Եւ ասոնց թիւը վերջերս բաւական շատ բարձրացաւ, պէտք է ըսել. եւ սակայն հակառակ ասոր, կըրցայ Աստուծոյ Օգնութեամբ, հասնիլ բոլորին եւ միշտ ալ բարի կարգադրութիւններ ընել:

Եւ վերջապէս, բարոյական համեստ բաժինս բերի այն ընդհանուր աշխատանքներուն, որոնցմէ կախեալ էր մեր Սեպհական Եկեղեցի-Դպրոց ունենալու հնարաւորութիւնը, որը այսօր իրականութիւն է դարձած կամօքն Աստուծոյ ու նորա անսահման ողորմութեամբ, եւ Ձեր նիւթա-բարոյական անգին զոհողութեամբ:

Բարձրեալն Աստուած հարցն մերոց, թող միշտ առողջ պահէ զՁեզ, տայ արեւշատութիւն բոլորիդ եւ Ձեր բոլոր բարի գործերը յաշողութեամբ պսակէ:

Աղօթարար,
Կիւրեղ Բհնյ. Եթէնէկեան
Հովիւ:

Մայր Տաճարի օժման չանդիսուծիւն:--

Անցեալ տարուայ Դեկտ. 5 եւ 6 Օրերը Մոնթրէալահայրութեան համար չանդիսացան պատմական Օրեր. արդարեւ այդ Օրերուն էր որ տեղի ունեցաւ Մայր Տաճարի օժումը Զեռամբ Պոլսոյ Պատրիարք Բարձր Տէր Շնորհք Արք. Գալուստեանի եւ ներկայութեամբ ու մասնակցութեամբ Ամերիկայի Թեմիս Առաջ. Տէր Թորգոմ Արք. Մանուկեանի, Փոխանորդ Սրբազան Հօր, Կընթահայրութեամբ Պոստոնաբնակ բարերար Տիար Գրիգոր Մազմանեանի:

Օժման Շաբթուան ընթացքին կայացած չանդիսուծիւնները, որոնք կանգնեցան մակերպուեցան յաջորդաբար Համայնքիս զանազան Տիկնանց Յանձնախումբերու, Երիտասարդական Կազմակերպութիւններու եւ օժման Յանձնախումբի կողմէ պսակուեցան ամբողջական յաջողութեամբ, անմոռանալի յիշատակներ թողելով Մոնթրէալահայր Հաւատացեալներու սրտին մէջ:

Այս առիթով, յայտնելու համար Մոնթրէալահայր Գաղութի անդամներու երախտագիտական եւ շնորհակալական զգացումները Գանատայի Փոխանորդ Տէր Վաչէ Սրբազանին, իր տարած նուիրական եւ անզերազանցելի աշխատանքին, Մխակաւ Խորհուրդս Մայր Տաճարի Մուտքին զետեղեց յիշատակարան մը, ինչպէս նաեւ Մշակութային սրահը անուանեց իր անունով:

Հայ Տան պարագան:--

Առ ի գործադրութիւն փետր. 18, 1970ի ընդհանուր ժողովին որոշման, Խորհուրդս Աքրոբոլ Ընկերութեան յանձնեց Հայ Տունի վաճառման հարցը: Նկատելով որ վերոյիշեալ Ընկերութիւնը կարող չեղաւ այդ ընել, ծախելու գործը յանձնուեցաւ ապա Ռոյեալ Թրաստ Ընկերութեան:

Զեռնարկներ:--

Բաջալեբրուած անցեալ տարուան նիւթական եւ բարոյական բացառիկ յաջողութեան, Խորհուրդս աջակցութեամբ Գաղութիս շարք մը նուիրեալ ազգայիններու եւ Տիկնանց օժանդակ Յանձնախումբի անդամներուն, երկրորդ տարին ըլլալով, կազմակերպեց Տարեկան Պարահանդէսը, որ պսակուեցաւ աննախնդաց յաջողութեամբ:

Այս բացառիկ ձեռնարկին կողքին, աջակցութեամբ Տիկնանց Եկեղեցասիրաց Յանձնախումբի նուիրեալ անդամուհիներուն, կազմակերպուեցան զբոսապտոյտներ, ճաշկերոյթներ, շարժանկարի ներկայացումներ, դասախօսութիւն եւ այլ հասուցեալ ձեռնարկներ:

Փոխ յարաբերութիւններ եւ հանդիպումներ:--

Մխակաւ Խորհուրդս, նախանձախնդիր ներքին կազմակերպչական աշխատանքներու, քանիցս հանդիպումներ ունեցաւ Խորհուրդիս հովանաւորութիւնը վայելող բոլոր Միութիւններու վարչական Կազմերուն հետ, աւելի եւս սերտացնելու համար կապերը Յանձնախումբերու անդամներուն միջեւ:

Արտաքին ճակատի վրայ, Խորհուրդիս յարաբերութիւնները Գաղութիս մէջ գործող այլ Կազմակերպութիւններու հետ եղան միշտ բարւօք, հիմնուած իրար հասկացողութեան դրական հիմերու վրայ: Խորհուրդս իր շաբաթական նիստերուն ընթացքին, հանդիպումներ ունեցաւ նաեւ Համայնքիս նուիրեալ կարգ մը ազգայիններու հետ, ուսումնասիրելու համար եւ ձեւաւորելու մտօք Եկեղեցւոյ ի նպաստ նիւթական ապահովութիւնը: Սոյն հանդիպումներն ալ եղան գործնական եւ արդիւնատու:

Բուրաստան ամսաթերթ:--

Եկեղեցւոյս պարբերաթերթը, շնորհիւ իր Կազմին եւ անոր տարած աշխատանքին, կարելի եղաւ անցեալ շրջանին կանոնաւոր ժամանակներուն լոյս ընծայել ու զայն ատենին ընթերցողին հասցնել: Բուրաստանը եղաւ աւելի ճոխ ու բովանդակալից իր գրութիւններով, եւ դարձաւ փնտրուած թերթը Գաղութիս մէջ:

Ամենօրեայ Մանկապարտէզի համաձայնութիւն:--

Ընդառաջելով տեղւոյս Հ.Բ.Ը.Միութեան վարչութեան խնդրանքին, Խորհուրդս յաջորդ էջ--

ՄԱՄԻԿՈՆԵԱՆ Մշակութային Ցանձնախումբ,
-Տարեկան տեղեկատուութիւն-

Յարգելի Մխականներ,

Մամիկոնեան Մշակութային Ցանձնախումբը բոլորեց տարի մը եւս, տարի մը շինիչ ու համերաշխ աշխատանքի եւ մշակութային պէս պէս գործունէութեանց, հաւատարիմ մնալով միշտ իր գոյութեան նպատակին, որն է վառ պահել մշակոյթի հանդէպ սէրը մեր ազգակիցներուն սրտին մէջ, եւ մանաւանդ հաղորդել զայն մեր երիտասարդներուն: Խոնարհ եւ անշահախնդիր աշխատանք տանիլ, ի մտի ունենալով չայ հաւաքականութեան շահը միայն:

Յանձնախումբս կը բաղկանար հետեւեալ անդամներէն. —
Պրն Ն. Ուզունեան —Ատենապետ— Պրն Կ. Շամլեան —Փ.ատենապետ—
Տիկ Ա. Արթինեան —ատենադպիր— Պրն Տ. Պալեան —խորհրդական—
Օրդ. Ս. Շամլեան —գանձապահ— Պրն Վ. Քէթիկի —խորհրդական—
Տիկ Մ. Գունթէր —խորհրդական— Պրն Ժ. Նշանեան —խորհրդական—
Պրն Ն. Իփէքճեան —խորհրդական— Պրն Թ. Թունճեան —խորհրդական—

Ստորեւ կը ներկայացնենք ամփոփ մէկ տեղեկատուութիւնը Յանձնախումբիս ունեցած գործունէութիւններուն, 1970 տարուայ ընթացքին:

—Այս տարի եւս վարդանանց պատերազմի ոգեկոչումը շատ ինքնատիպ կերպով տօնուեցաւ 15 փետրոսէն 1970, Կիրակի երեկոյ չայ Տան մէջ: Յայտագրին գլխաւոր մասը կը բաղկանար վիճաբանական ասուլիսէ մը, վարդանանց պատերազմի պատմական իրադրութեան եւ հեռահաս հետեւանքներուն շուրջ: Ասուլիսին մասնակցեցան Պրն Խ. Տէտէեան, Ժ. Այվատեան, Մ. Կուտսուզեան եւ Կ. Շամլեան: Վիճաբանութիւնը վարեց, Յանձնախումբիս ատենապետ Պրն Ն. Ուզունեան:

—25 ապրիլ 1970, Ապրիլեան նահատակաց Յուշահանդէս տեղի ունեցաւ Մայր Տաճարի մեծ սրահին մէջ, Յանձնախումբիս եւ միջգաղութային Միութիւններու կազմակերպութեամբ: Տպաւորիչ կերպով արտասանուեցաւ Ջ. Մելքոնեանի «Երգ Բարեկամութեան եւ Համակերպումի» բանաստեղծութիւնը: Օրուան բանախօսն էր Տօթ Ն. Պէրպէրեան, իսկ երիտասարդներուն կողմէ խօսք առաւ Պրն Ա. Կերիքեան: Պրն Ն. Ուզունեան ներկայացուց զուգահեռ մը, լուսապատկերներով, 1915-1970, անգամ մը եւս շեշտելու համար թէ որքան մեծ է վերապրելու մեր յոյսը, երբ աչքի առջեւ կուրծնանք 1915ի ողբերգական տեսարաններէն վերջ, այսօրուան զգլխիչ վերելքը մեր Ազգին ու Մայր Հայրենիքին: Յայտագիրը վերջ գտաւ Տէր Կեցո-ի ձայնագրեալ երգեցողութեամբ եւ կատարուած Երեւանի Պետական երգչախումբին կողմէ:

—28 մայիս 1970, Շաբաթ երեկոյ, Մայր Տաճարին Մշակութային սրահին մէջ տեղի ունեցաւ դասախօսական լուրջ երեկոյթ մը: Օրուան բանախօսն էր ձարտարապետ Գ. Անտոնեան, որ վկայեալ Երեւանի Պետական Համալսարանէն այժմ իր տօթորդան կը պատրաստէ Գանատայի մէջ: Բանախօսին խիստ շահեկան նիւթն էր —Արդի ճարտարապետութիւնը Մայր Հայրենիքի մէջ— զոր ներկայացուց լուսապատկերներու միջոցաւ:

—18 յունիս 1970ին Յանձնախումբս կազմակերպեց յիշատակի երեկոյ մը, նուիրուած տաղանդաւոր բանաստեղծ եւ նկարիչ Փիլզանդ Թոփալեանի որ մահացաւ Բարիզի մէջ, 19 Մայիս 1970ին: Երեկոյթը տեղի ունեցաւ Տաճարին Մշակութային Սրահին մէջ: Օրուան գլխաւոր բանախօսն էր Պրն Վ. Պոյաճեան որ բացառիկ պատեհութիւնը ունեցած է մօտէն գործակցելու ողբացեալ մըրտաւորականին հետ: —Շար. յաջորդ էջ—


-1970 տարին ըլլալով Խորհեան շայրիկի ծննդեան 150ամեակը, Մամի-
կոնեան Մշակութային Յանձնախումբը եւ Հայց.Եկեղեցւոյ Երիտասարդաց
Կազմակերպութիւնը սիրով միացան տօնելու համար յիշատակը Հայոց Հայ-
րիկին: Յայտագրին մաս կազմեցին նաեւ կենդանի պատկեր մը եւ Հայրիկին
կեանքէն քաղուած անէքտօթներ:

-25 սեպտ.1970, Ծխական Խորհրդոյ ատենապատ Պրն.Վ.Քէթի, այցելած
ըլլալով Պոլիս եւ այդ առթիւ Պոլսոյ ազգային հաստատութիւնները, սի-
րայօժար կերպով իր տպաւորութիւնները բերաւ Համայնքիս, մտերմիկ երե-
կոյթի մը ընթացքին, զոր Յանձնախումբ կազմակերպած էր Եկեղեցւոյ Մը-
շակութային Սրահին մէջ:

-Յանձնախումբ այս տարի եւս ձեռնարկեց հայերէն լեզուով շնորհակա-
րական քարտերու պատրաստութեան, որոնք մեծ ընդունելութիւն գտան եւ
գնահատանքի արժանացան բոլորին կողմէ:

-Մեր մշակութային գործունէութեանց շարքին կապ հաստատեցինք նաեւ
ճրանսայի էրեբունի հրատարակչականի հետ, որոնց հրատարակած մանկական
գեղատիպ հատորները, ինչպէս Յովհ.Թումանեանի Թմկաբերդի Առումը, Քաջ
նազար, Գրիգորը, եւ այլն առաջին անգամ ըլլալով տարածեցինք մեր ժողո-
վուրդին մէջ: Նոյնպէս նաեւ Միլանոյի մէջ հրատարակուած Վաւերագրեր
հայկական ձարտարապետութեան- մատենաշարը մտաշելի ըրինք մեր Համայն-
քին: Կր յուսանք թէ սահմանափակ պայմաններու տակ կատարուած վերո-
յիշեալ գործունէութիւնները կըրցան օգտակար դառնալ, յազեցնելու համար
գոնէ մասամբ, մշակոյթի պապակը մեր սիրելի ազգակիցներուն մէջ:

Յարգանք,
Ն.Ուզունեան Ա.Արթինեան



Տեղեկատուութիւն
Սուրբ Գրիգոր Լուսաւորիչ Հայաստանեայց Եկեղեցւոյ
Շաբաթօրեայ Վարժարանի Խնամակալի
1970-1971.

Սուրբ Գրիգոր Լուսաւորիչ Հայաստանեայց Առաքելական Եկեղեցւոյ վերամու-
տի արձանագրութիւններն ու դասարաններու կանոնական քաժանութիւնները եղան
12 սեպտ.1970 ին Մայր Տաճարի յարակից Վարժարանի քաժանութիւն մէջ:
Արձանագրուած են 160 աշակերտներ, որոնցմէ 155ը կը շարունակեն հե-
տելի դասընթացքներուն կանոնաւորաբար:

Նախակրթարանի Բաժին. - 115 աշակերտ,
Մանկապարտէզի Բաժին. - 40 աշակերտ:

Ուսուցչական Կազմ. -
Խնամակալ Մարմինը Վարժարանի Տնօրէն նշանակեց Պրն.Ժ.Այվատեանը եւ
փոխ-Տնօրէնուհի, Տիկ.է.Աքքիպրիթեանը:
Տիկ.է.Աքքիպրիթեան, պատասխանատու Չ.Կարգի
; Վ.Պալեան, պատասխանատու է.Կարգի
; Ն.Գրմբըմեան, պատասխանատու Դ.Կարգի
; Ա.Ազնաւուր, պատասխանատու Գ.Կարգի
; Մ.Պասմաճեան, պատասխանատու Բ.Կարգի
; Ս.Արապեան, պատասխանատու Ա. եւ Ծաղիկ Դասարանի
; Օրդ.Ա.Այվատեան, պատասխանատու Կոկոնի եւ Մանկապարտէզի:
Այցելու ուսուցիչի հանգամանքով կը դասաւանդէ Պրն.Թազուր Թուճեան:
Պահեստի ուսուցչուհի է Տիկ.Վ.Գարանիլ: Որպէս օգնական ուսուցչուհի
կը պաշտօնավարեն, Վարժարանիս շրջանաւարտուհիներէն Օրդ.Հ.Աքքիպրիթեան
-Շար.յաջորդ էջ-

Եկեղեցասէր Տիկնանց Մարմնի 1970-71 Տարեշրջանի վերակազմութեան եւ ընտրութեան համար, Եկեղեցւոյս Հոգեւոր Հովիւ, Տէր Կիւրեղ Բահանան շրջաբերականով մը կոչ կուղղէ Համայնքին ազգանունէր Տիկիներուն ընդհանուր ժողովի թուական ուրոշելով 17 Մարտ, 1970ը, Օրակարգի հարց նշանակելով հետեւեալները.-

- Ա. - Նախորդ շրջանի բարոյական ու նիւթական տեղեկատուութիւն,
- Բ. - Կարծիքներ եւ թելադրութիւններ,
- Գ. - Ներկայ շրջանի Դիւանի ընտրութիւն, անդամագրութիւն, տուրքի գանձում, Նոր շրջանի ընտրութիւն,
- Դ. - Պարտաւորութեանց բարեփոխում եւ սահմանաւորում:

Այնպէս որ վերոյիշեալ Օրը, Եկեղեցասէր Տիկնանց Վարչութիւնն ու անդամները ժամը 9 ին կը հաւաքուին Հայ Տունի մէջ, նախագահութեամբ Արժ. Տէր Կիւրեղ Բհնյ. Եթէ նէկեանի:

Տէր ՀՕր աղօթքէն ու բարեգալստեան եւ յաջողութեան մաղթանքներէն վերջ, Դիւանի ընտրութեան կը դիմուի ու ապա կ'որոշուի անցնիլ ընտրութեանց:

- Կ'ընտրուին հետեւեալ Տիկիները.-
- Ե. Գարիպեան, որպէս Ատենապետուհի,
- Հ. Կուտսուզեան, որպէս փոխ-Ատենապետուհի,
- Ա. Ազնաուր, որպէս Ատենադպրուհի,
- Շ. Բրուտեան, որպէս փոխ-Ատենադպրուհի,
- Ս. Պելկին, որպէս Գանձապետուհի,
- Ա. Կերիքեան, որպէս Հաշուապահ,
- Ս. Մնւրանեան, որպէս Խորհրդական,
- Ն. Գրմբումեան, ,,
- Օրդ. Մ. Սարափեան, ,,

Բաց աստի, Պրն Սուրէն Թաշճեան ներկայացուցիչ նշանակուած էր Երխական Խորհուրդէն, որպէսզի ան կապ հաստատէ մեր եւ անոնց միջեւ:

Իր վերակազմութենէն անմիջապէս ետք, Տիկնանց Միութիւնը ճաշակաւոր պատրաստութեամբ ու քծախնդիր սպասարկութեամբ Հոգեճաշի մը կը ձեռնարկէ որուն արդիւնքը նիւթ կըլլայ ընդհանուրին գնահատանքին եւ քաջալերիչ արտայայտութեանց, որպէս Ա. Ձեռնարկ:

Բ. Ձեռնարկն էր Դաշտազնացութիւն մը դէպի Լոնկ-Սուլթ, ուր եւս մեր Միութիւնը Երխական Խորհուրդին հետ միատեղ, ցոյց տուաւ բացառիկ ճըկունութիւն եւ ձեռնհասութիւն աշխատանքներուն մէջ:

Աշնան կազմակերպուեցաւ Ռամէճ-Սէյլ մը, որը յաջողութիւն մը եւս արձանագրեց մեր Համայնքէն ներս:

Եկեղեցւոյ Օժման Հանդիսութեանց շաբթուան ընթացքին, Տիկնանցը լրծւած էր արդէն տենդագին աշխատանքի, յաջողցնելու համար այդ առթիւ ըլլալիք Առաջին Ձեռնարկը, որուն պիտի մասնակցէին Գաղութիս բոլոր նուիրեալ Տիկիները: Այս Ձեռնարկն ալ, ինչպէս գիտէք, եղաւ բացառիկ ու շատ յաջող ձեռնարկ մը, բառին իսկական առումով: Որով Մոնթրէալի պատմութեան ոսկեգօծ էջերէն միոյն վրայ կը գրուէր 2 Դեկտեմբեր, 1970:

Այդ Օրուան յաջողագոյն Մասն էր անշուշտ Հայկական Տոհմիկ Տարագներու ցուցադրութիւնը, որը հանդիսացաւ եզակի ու լուրջ գնահատանքի բոլոր հանդիսականներու կողմէ անխոր:

Զորոհող եւ վերջին ձլխաւոր ձեռնարկն էր Ս. Ծննդեան ձաշը, որը գըտաւ բաւականաչափ լաւ ընդունելութիւն մը մեր ժողովուրդին կողմէ, որով անթերի սպասարկութիւն տեղի ունեցաւ ինչպէս նաեւ ճոխ ձաշացուցակ մը պատրաստ եղաւ ներկաներուն համար:

Ու ահա, Տիկնանցը այսօր իր շրջանը բոլորած ըլլալով կը ներկայանայ

5. — Ընթերցողները տեղեակ պահել Գանատահայութեան թէ բովանդակ չայ աշխարհի կեանքին մասին, ինչպէս նաեւ միջազգային գիտական, մշակութային եւ ընկերային նուաճումներու:

6. — Ընթերցողներու ծանօթացնել Գանատան եւ իր կեանքը Գաղութիւս անդամները դարձնել հաւատարիմ, պարտաճանաչ եւ գիտակից Գանատացիներ, հպարտ իրենց հայկական ծագումով եւ հայկական աւանդութիւններով:

Այս ըլլալով մեր սկզբնական ծրագրին գլխաւոր կէտերէն մասնք, այսօր տարի մը ետք, մենք մեզի հարց կուտանք թէ արդէօք կրցանք որոշ չափով իրագործել մեր ծրագիրը եւ օգտակար հանդիսանալ գաղութիւս եւ մեր համեստ բաժինը բերել չայ Եկեղեցիին եւ չայ Մշակոյթին:

Երբ աչքէ անցնենք ԲՈՒՐԱՍՏԱՆԻ 1970 տարեշրջանի թիւերը — թէեւ մեծ յաւակնութիւններ չունինք — բայց կը տարուինք խորհելու թէ կատարած ենք աշխատանք մը որ անտարակոյս պիտի արժանանայ ձեր որոշ գնահատանքին եւ օժանդակութեանը որպէսզի ԲՈՒՐԱՍՏԱՆ կարենայ շարունակել իր առաքելութիւնը գաղութէս ներս հետզհետէ ճոխացնելով եւ այլազանելով իր բովանդակութիւնը:

Թերթի մը կանոնաւոր եւ որոշեալ թուականին հրատարակութիւնը իր յաջողութեան երաշխիքներէն մին կը հանդիսանայ: Ուրախ ենք ըսելու, թէ 1970 տարեշրջանի ընթացքին ԲՈՒՐԱՍՏԱՆԻ հրատարակութիւնը երբեք յապաղում չունեցաւ եւ թերթը լոյս տեսաւ ամէն ամիս եւ ճիշտ թուականին:

Այսօրուան առիթը պատեհ սեպելով, կը փութանք ստորեւ տեղ կարգ մը ծանօթութիւններ եւ ամփոփ կերպով թուել գլխաւոր նիւթերը որոնց մասին անդրադարձանք. —

1. — Խմբագրական Կազմ: Տնօրէն Պրն. Արամ Կուտուզեան: Խմբագիրներ Պրն. Նուրհան Ուզունեան եւ Գրիգոր Գրլճեան: Աշխատակիցներ Պրն. Խորէն Տէտէեան, Տիկ. Արաքս Արթինեան, Օրդ. Սոսի Շամլեան, Պրն. Վահէ Բէթլի, Պրն. Կարօ Շամլեան, Տիկ. Արաքսի Ազնաւուր, Պրն. Սերովբէ Գույումճեան եւ Պրն. Պեթճէսէն: Հարկ կը տեսնենք աշխատակից բառին մասին բացատրութիւն մը տալ: Մեր աշխատակիցները ոչ միայն գրութիւններով օգտակար եղան մեզի, այլ անոնք գործօն դեր ունեցան թերթին զանազան աշխատանքներուն մէջ, ինչպէս գեղազարդում, տպագրութիւն, առաքում, բաժանորդագրութեանց գանձում եւ այլն: Հոմ կուզենք մասնաւորապէս շեշտել թէ Բուրաստան իր յաջողութիւնը կը պարտի այս խնամքին համագործակից ու յարատեւ աշխատութեանը: Այսպէսով օրինակ մը տուած կըլլանք թէ կարելի է հաւաքական ոգիով աշխատիլ ազգային ու մտաւորական գետնի վրայ:

2. — Տպագրական. — Բուրաստանի ամսական տպագրական է 1000 օրինակ: Կը դրկուէ իր բաժանորդներուն, Ամերիկայի բոլոր Ծուխերուն, Սիւիւթի թէ չայրենիքի ազգային հաստատութիւններուն եւ կարգ մը թերթերու: Ուրախ ենք հոս շեշտելու թէ բաժանորդագրութիւնները հետզհետէ կաւելնան եւ բաժանորդագրութեան զանձումները աւելի բարելաւուած են:

3. — Եկեղեցական նիւթեր. — Գաղութիւս գլխաւոր մտահոգութիւնն էր սեփական եկեղեցի մը ունենալը եւ 1970 տարին հանդիսացաւ այդ ուղղութեամբ ցարդ կատարուած աշխատանքներու եւ թափուած ճիգերու յաջողութեամբ պսակումը: Բուրաստան իր էջերը լայնօրէն տրամադրեց եկեղեցաշինութեան, հանգանակութեանց, Մայր Տաճարի գնման ձեւակերպութեանց եւ Անոր օծման արարողութեանց: Այս առիթ Բուրաստանի խումբը զօրացած հետեւեալ ազգայիններէ, ՊՊ. Բերովբէ Պտուկեան, Եղիա Պեքմեզճեան, Տիգրան Պալեան, Կայծակ Օղիկեան, Յակոբ Կուտուզեան, Նուրհան Ճանգուլ, Ալեքս. Նասիպեան եւ Օրդ. Մ. Սարաճեան, պատրաստեց օծման գեղատիպ Յուշամատեանը որ գնահատուեցաւ բոլորին կողմէ անխտիր եւ ամերիկահայութեան կարգ մը կազմակերպութիւններ եւ անհատներ ալ իրենց գնահատանքը յայտնեցին շնորհաւորական նամակներով ու նուէրներով:

Եկեղեցական կարեւոր եղելութեանց առիթ տուինք լուրեր եւ գրութիւններ: Անոնցմէ կարելի է յիշել Եպիսկոպոսաց ժողովը եւ Ս. Միւռոնի Օրհնութիւնը Ս. էջմիածնի մէջ. Վեհափառ Հայրապետի ծննդեան ճօրդ ամեակի եւ Գահակալութեան 14րդ տարեդարձի հանդիսութիւնները. Վեհափառ չայրապետի եւ Նորին Սրբութիւն Պօղոս Զ. Պապի պատմական հանդիպումը ի Վատիկան եւ Վեհափառ Հայրապետի այցելութիւնը Ս. Ղազարի Միթիթարեան չայ-

ընդուն: Այս առթիւ կարժէ նաեւ յիշել թէ, Բուրաստան եղաւ առաջին հայ թերթը որ տուաւ ամբողջական թարգմանութիւնը Վազգէն Ա. Պողոս Զ. Միացեալ Հաղորդագրութեան, հրատարակուած Վատիկանի օսսերվաթորէ Ռոմանօ օրաթերթին մէջ: Սփիւռքի հայ թերթերէն ոմանք արտատպեցին այս Հաղորդագրութիւնը զայն առնելով Մեզմէ: Եկեղեցական այս նիւթերու շարքին կարելի է աւելցնել նաեւ վեհափառ Հայրապետի քարոզները 1970ի ընթացքին: Առաջնորդ Գերշ. Տ. Թորգոմ Արք. Մանուկեանի եւ Գանատայի Առաջնորդական Փոխանորդ Գերշ. Տ. Վաչէ Եպս. Յովսէփեանի ուղերձները, մեր Հոգեւոր Հովիւ Արժ. Տ. Կիւրեղ ԲՏՆՅ. Եթէնէկեանի հովիւի խօսքերը, էջեր Հայց. Եկեղեցւոյ պատմութենէն, եւ այլն:

4. - Յոբելեաններ: 1970 տարին յատկանշուեցաւ հայ արժէքներէն ոմանց ծննդեան կամ մահուան յոբելիական հանդիսութիւններով, հոս կամ այլուր: Բուրաստան ոչ միայն անդրադարձաւ գաղութէս ներս կազմակերպուած այդ հանդիսութիւններուն, այլ իր ընթերցողներուն ներկայացուց այդ արժէքները, անոնց կեանքն ու գործը: Վերյիշումը Օգտակար կը ներկատեմք Կոմիտաս Վարդապետ, Յովհ. Թումանեան, Լեւոն Շանթ, Երուանդ Օտեան, Խրիմեան Հայրիկ, Վահան Թէքէեան, Հրաչեայ Յովհաննիսեան եւ բոլորիս ծանօթ Ապրիլեան Եղեռնի 55րդ ամեակի ոգեկոչումը:

5. - Մեր Արժէքները: Ծանօթ է Ձեզի թէ գաղութիս անդամներէն ոմանք կը պաշտօնավարեն տեղւոյս համալսարաններու մէջ, իբր մասնագէտներ եւ շնորհիւ իրենց դասախօսութեանց եւ գիտական աշխատանքներուն, արժանացած են միջազգային գնահատանքի: Մեր ձանձնանք մեր Արժէքները սիւնակով շանացինք զանոնք ներկայացնել հայ աշխարհին: Անոնք եղան Տօքթ. Արթ. Տէմիրճեան, Տօքթ. Արշաւիր Կէօնճեան, Տօքթ. Ստեփան Հաննէսեան եւ Տօքթ. Յակոբ Խաչիկեան: Մեր գրութիւնները վերոյիշեալներու մասին արտատպուեցան Սփիւռքի զանազան թերթերու մէջ: Անշուշտ թէ տակաւին ունինք Գանատահայ ուրիշ Արժէքներ որոնց մասին անդրադառնալու առիթները պիտի ունենանք: Հայ արժէքներու մասին խօսելով անդրադարձած ենք նաեւ արուեստագէտ-գրագէտ Ողբ. Բիւզանդ Թոփալեանի, Վահէ Կոտէլի, Ռուբէն Մամուլեանի եւ ուրիշներու մասին ալ:

6. - Միութենական Կեանք: Գաղութէս ներս կը գործեն զանազան Կազմակերպութիւններ, Միութիւններ եւ Յանձնախումբեր, որոնցմէ ոմանք են թակայ են Մոնթրէալի Հայց. Առաքելական Եկեղեցւոյ եւ կը վայելեն անոր հովանաւորութիւնը: Այս կազմակերպութիւնները, միութիւններն ու յանձնախումբերը, բոլորն ալ համախմբուած Եկեղեցւոյ շուրջ, գաղութէս ներս կը կատարեն Օգտակար եւ գնահատելի աշխատանքներ թէ եկեղեցասիրական, թէ բարեսիրական, թէ մշակութային, թէ երիտասարդական, թէ մարզական եւ թէ ալ սկստուական: Բուրաստան անխտիր բոլորին ալ ձեռնարկներուն եւ գործունէութիւններուն լուրերը տուաւ: Մեր սիւնակներուն մէջ, մենք միայն չգոհացանք անդրադառնալով Մամիկոնեան Մշակութային Յանձնախումբի, ՀենկԱի, Տիկնանց օժանդակի, Եկեղեցասէր Տիկնանց Միութեան, Թէքէեան Մշակութային Միութեան եւ Պոլսահայ Միութեան, Եկեղեցաշինութեան Յանձնախումբի կամ Երական Խորհուրդի ու Հայ Դպրոցի գործունէութիւններուն, այլ նաեւ Հ. Բ. Բ. Միութեան, Հ. Մ. Բ. Միութեան գործունէութիւններուն եւս: Առաւել, Բուրաստան մասնաւոր թիւ յատկացուց Հայկ. Բ. Բ. Միութեան արժանաւոր նախագահ Տիար Ալեք Մանուկեանի Մոնթրէալ այցելութեան, Ամենօրեայ Մանկապարտէզի բացման արարողութեանց եւ Հ. Մ. Բ. Միութեան մարզական շաբաթավերջին:

7. - Ձանազան Սիւնակներ: Մեր կանոնաւոր ընթերցողները ծանօթ են անշուշտ մեր սիւնակներուն որոնք կը պարունակեն զանազան նիւթեր, գրական, գիտական, կրթական, մշակութային, երգիծական ու թատերական: Հոս կը փափաքինք շեշտը դնել մեր մասնաշատուկ սիւնակներէն ոմանց վորայ, Խօսքը Ձերն է, ձանձնանք Գանատան, Հայ մանուկ սորվէ Հայերէն, Ձանանք մեր Բառապաշարը աւելցնել եւ Համայնքային Լուրերը, որոնք իրենց զիրենք կը բացատրեն իրենց հետապնդած նպատակներով եւ սկսած ենք նաեւ Բէպէք Նահանգի յատուկ կարեւոր լուրերու պատկերազարդ սիւնակը:

Հիմա՛յ ո՛ր Եկեղեցի՛ն մեր՝ սեպհականութիւնը ղարձած է, տեղին է յիշել մեր նիւթական աշակցութիւնը միայն ու միայն Եկեղեցաշինութեան ֆոնտին ո՛ր հաստատուած էր 1965ին, եղած է 8600 տողար: Այս֊գումարը ըլլալով հանդերձ ջնջին, կապացուցանէ մեր հաստատակամութիւնը եւ Եկեղեցւոյ Երիտամարդութեան կամքին կորովը:

Կը յուսանք թէ ներկայ խանդավառութեամբ 1971ին աւելի լաւ գործունէութիւն մը պիտի կարենանք մշակել ի շահ մեր Սուրբ Եկեղեցւոյ պայծառութեան եւ ի պատիւ մեր ստեղծագործ Հայ Ժողովուրդին:

Յարգանք,
 ՀենկԱի Մոնթրէալի Մասնաճ.
 Ատենադպիր, Ատենապետ,
 Տիգրան Պալեան Հայկ Միսաքեան

Ծխականի Ելեւմուտք
 :::::::::::::::
 1970 Տարւոյ

	Մուտք	Ելք
Դրամատան մէջ:	544.92	
Եկեղեցի,	7288.58	6772.45
Մէնք,	2858.88	7096.46
Բուրաստան,	1176.00	4489.77
Դպրոց,	5085.88	5861.81
Ծխական,	8826.50	2822.48
Զեռնարկներ,	4026.82	900.87
Անդամատուրք,	1080.00	
Նուիրատուութիւնք,	8482.01	
Դրամատան Ծախք,	19.60	49.72
Փոխատուութեան Տոկոս,		750.00
Առաջն. Տուրք,		188.50
Կանխիկ ի Դրամատուէն,		402.58
	28888.54	28888.54
	-----	-----

Ն Ա Խ Ա Հ Ա Շ Ի Ի

oooooooooooooooooooo

1971 Տարեշրջանի Գործունէութեան

oooooooooooooooooooooooooooo

ՆԻՒԹԵՐ -----	ՄՈՒՏՔ -----	ԵԼՔ -----
:::::	:::::	:::::
Կանխիկ ի Դրամատուն:	400,00	
Եկեղեցի,	8000,00	6500,00
Շէնք,	8400,00	16000,00
Բուրաստան,	2000,00	4600,00
Դպրոց,	5000,00	5700,00
Ծխական,	4500,00	7000,00
Ձեռնարկներ,	8000,00	
Անդամատուրք,	2000,00	
Նուիրատուութիւնք,	8000,00	
Դրամատան Ծախք,		50,00
Փոխատուութեան Տոկոս,		750,00
Առաջն Տուրք,		1500,00
1970ի Պարտքեր,		5600,00
Օժանդակ Մարմիններէ,	6400,00	
	-----	-----
	47700,00	47700,00
	-----	-----

oo
 ooo
 ooo